

797 Tamen, quaecumque causa^a esset^b, bonum videtur^c caritatis meae^d consideratione, ut paenitentia inde agatur. Quod, ut videtur, honeste fieri poterit, si communi totius gentis consensu ieiunium indicitur^e — tu propter relictam sedem, illi propter acceptum errorem — ut Deus vobis omnibus propitietur. Orationes quoque et elemosynae^f et missarum sollemnia^g fiant diligenter ubique, ut Deus deleat quicquid inde a quolibet^h vestrum actum esset^h.

Tua quoque veneranda sapientia specialiter deducat in domum Dei lectionis studium, ut sint ibi legentes iuvenes et chorusⁱ canentium et librorum exercitatio; ut per tuam diligentiam renovetur illius sanctae sedis^k dignitas; ut habeant, unde in se ipsis possint elegere^l sibi pontificem. Simul et praedicatio tua in omnibus locis¹⁰ fiat sive pro^m episcopis omnibus in communi synodo: de iustis ordinationibus et praedicationis instantia et officiis aecclesiasticis et baptismi sanctitate et elemosynarum largitione etⁿ pauperum cura per singulas aecclesias atque parochias, maxime in veneranda gente, cui te Deus pastorem praeesse voluit. Saepe miles vulneratus fortius pugnat, sicut bos lassus fortius figit ungulam¹.

Sicut^o diabolus laetatus est de fuga tua^p, fac, ut gaudeat Christus de multiplici Luc. 15, 7. animarum per te profectu et tua merces maior crescat; dicente ipsa veritate: 'Sic enim gaudium^q est in caelis coram angelis Dei super uno peccatore paenitentiam agente, quam super nonaginta novem, qui non indigent paenitentia^r'. Haec omnia omnino^s diligentissime considerans, in Christi caritate semper proficias; amans illum ex toto²⁰ corde, tota virtute et tota mente, qui te exaltavit honorificavit et conservavit in diem salutis tuae.

Vanissimum vero vestimentorum cultum² et conviviorum^t inmoderatum usum omnino, quantum valeas, expellere a te tuisque consacerdotibus vel magis omni clero²⁵ et ecclesiasticae dignitatis gradibus diligentissime studeas. Beatus Petrus, princeps²⁵ apostolorum, trinam negationis maculam triplici confessionis veritate abluit; tu fugam simplicis^u erroris multiplici praedicationis bono ablue; et^v ut maxime sanctarum scripturarum lectio per tuam sanctissimam curam renovetur, et ecclesiastica dignitas ubique exaltetur, et sancta sedes, quae prima fuit in fide, prima sit in omni sapientia et sanctitate et honore, ut^w ibi interrogans inveniat, ignorans discat quod cupiat; sciens³⁰ videat quod laudet.

Et^x ut ecclesiae³ unitas — quae partim discissa est⁴ non rationabili, ut videtur, consideratione, sed quadam potestatis cupiditate — quodsi^y fieri possit^z, ut^v pacifice adunetur, et scissio resarciatur^a, bonum videtur esse cum consilio omnium sacerdotum Christi, et coepiscopi^b Eboracensis^c ecclesiae^d; ita tamen, ut pater pius^e pallio diebus³⁵ suis non exuatur, licet ordinatio episcoporum ad sanctam et primam sedem recurrat. Haec omnia tua sanctissima sapientia consideret, ut caritatis concordia fiat inter primos pastores ecclesiarum Christi^e.

a) om. H. b) fuerit A 1*. c) om. T*. d) suae T*. e) indicatur A 1*. f) elemosynę T*.
g) sollemniae H. h) est A 1*. i) chorus A 2. k) om. A 2, ubi superscriptum est ecclesie; ecclesiae A 1*. 40
l) eligere A 1*. m) om. H. n) sive pro A 1*. o) Et sicut H; Si quid A 2. p) om. A. q) Sic gaud. T*; Maius gaud. A 1*. r) paenitentiam H, T*. s) animo T*. t) conviviorum corr. viviorum T*. u) simplici H, T* post corr. simplicis. v) om. A 1*. w) ut — unitas om. Will.
x) Et — unitas om. H, T*, A 2. y) si A 1*. z) posset A 1*. a) resarciatur A 1*, Will. b) quo-
episcopi H; coepiscopis A 1*; corr. in coepiscopi A 2. c) Eboracenses H. d) deliberare add. A 1*; 45
ut fiat add. Will. e) om. T*.

1) Cf. supra ep. 13 p. 39 n. 5.
stituto archiepiscopatu Lichfeldensi.
Lichfeldensis; v. supra p. 28 n. 6.

2) Cf. supra p. 43. 54. 183.
5) Eanbaldi II archiepiscopi.

3) Cantuariensis. 4) con-
6) Hygeberhtus archiepiscopus